

冠軍

《踏莎行·暮春》 蔡耀
 獅嶺籠煙。鐘峯蓋霧。香城三月風和雨。乍晴還暗蝶飛忙。鵲啼翠柳隨鶯訴。草木無情。榮枯有數。浮生若夢誰能寤。燕泥花徑惜殘紅。斜陽卻下西山去。

亞軍

《踏莎行·春日感懷》 蔡克明
 春樹含煙。雲峯疊翠。凭欄忍見飄香墜。杜鵑聲咽鷓鴣啼。關山萬里歸無計。杳杳情懷。茫茫煙水。鮫綃點點離人淚。尋芳索約舊時情。彩雲易散隨風逝。

季軍

《踏莎行·濟寧旅舍》 王祖厚
 野月銜窗。啼螿訴病。天涯客夢風吹醒。夜吟心事似秋蠶。相思吐盡無人省。客路風光。舊游萍梗。傷心難覓鷺鴻影。消魂明日又飄零。亂山寂寂雲千頃。

*優異獎

《踏莎行》 王耀強
 柳底鳴蟬。枝間啼鳥。紅英漸褪青苗俏。稚童三五戲桑陰。晝長籬落行人少。得地能耕。臨溪可釣。門前閒逗孫兒笑。淡烟衰草有無中。牧歸橫笛吹殘照。

《踏莎行》 吳其湛

塵麥香飄。池荷彩綉。故園芳息天涯遠。殷勤最是燕啣泥。畫樑歲歲重相見。夢繞千山。情牽一線。暮雲春樹愁難遣。風萍聚散本無常。杜鵑底事啼聲怨。

《踏莎行·春日寄遠》 沈憲津

枝上鶯聲。梁間燕語。園林失卻游春侶。花前喚酒憶題詩。一簾風月無尋處。畫壁閑情。停車漫步。為誰脈脈歸期誤。津亭望遍斷腸時。愁看楊柳天涯路。

《踏莎行·悼梅》 宮秀秀

皎月無聲。涼風有恨。梨魂冷落誰尋問。暗香銷盡舊亭臺。徘徊曲徑霜侵鬢。青鳥書傳。赤霞路引。夢酣驚破迷音訊。衷情欲遞向何方。仙槎渺渺星雲近。

《踏莎行·讀陸放翁詩詞抒感》 郭維華

北望中原。高吟邊戍。壯懷異代思齊翥。封侯欲聘九州同。長戈鐵馬冰河渡。塵黯貂裘。歌沉殿舞。劍殘未勒燕然句。馨香梅落醉詩魂。匡門風浪悲千古。

*特別獎

《踏莎行·寂寞》 張志博

唱且鳴雞。迫風展驥。海隅可作神仙地。一枝憔悴夕陽中。前頭萬木欣欣意。伴讀開燈。尋思擁被。枕戈空有凌霄志。霓虹耀眼轉無聊。香江寂寞魚龍氣。

《踏莎行·春思》 張慧賢

柳岸鶯啼。溪林燕語。千嚶百囀春如故。看花看盡白楊花。東風亂絮長堤去。鳥別新巢。人離舊侶。幾重煙水關山路。驚心歲月老霜華。夢回總是三更雨。

《踏莎行·詠懷》 黃以芍

不怕家貧。唯希紙貴。老來方悟詩書累。當年橫筆戰羣雄。而今擁枕僧房睡。籬菊飄零。谷蘭憔悴。白頭總覺無滋味。可憐袖重不因錢。只緣長濕淒清淚。

*排名按姓氏筆劃序

第十四屆

全港詩詞創作比賽——填詞


獲獎作品



第十四屆全港詩詞創作比賽——填詞

公共圖書館由一九九一年起，每年舉辦「全港詩詞創作比賽」，單年比詩，雙年比詞，目的在提高市民的中國語文運用及韻文欣賞的能力。今年舉辦的第十四屆「全港詩詞創作比賽」，已是第七次的「填詞比賽」。評審委員有何文匯教授、周錫政教授、韋金滿教授、黃坤堯教授及劉衛林教授。

比賽分學生組及公開組，詞牌為《踏莎行》。今屆的參賽者非常踴躍，共收到六百五十多份參賽作品。學生組參賽者來自各大專院校及中學；公開組參賽者則來自社會不同階層。為確保評選公平，評判採用糊名方法評閱作品。今屆的參賽者作品水準甚高，評判須多次討論，經初選、複選後才決定名次。學生組方面，評判團更分別約見入選參賽者，並要求入選者即席對聯，然後才決定得獎名次。



冠軍

《踏莎行·數碼相機》

黃令時 香港中文大學

小鏡舒圓。清光乍吐。世情萬態教凝駐。且由指掌認悲歡。荼廼更錄叮嚀句。亦有孤衷。不曾相訴。億千數碼居中貯。付量猶喜勝菲林。寸心免捲朝朝暮。

亞軍

《踏莎行》

徐璋 香港中文大學

雨過塵輕。煙寒夢短。覺來起坐愁難遣。重經舊處欲相尋。一春飛絮隨風轉。別浦波生。江樓目斷。長天雁過雲山遠。無聊不語漸黃昏。歸船細數思量遍。

季軍

《踏莎行·重遊肇慶》

潘瑞欣 香港樹仁學院

柳陌春來。山嵐雨洗。輕煙靜鎖空階外。憑闌登眺七星巖。清香盈袖紅添翠。長憶前塵。滿懷況味。少年空負凌雲志。凝情不語獨臨風。水天相續虹霞醉。

*優異獎

《踏莎行·春思》

梁志立 香港樹仁學院

細雨方濃。疏風漸冷。浦頭霧靄長遮嶺。桃紅柳綠雪霜融。燕歸飛掠當時徑。佇立危樓。追思往境。幾多好事成空影。心如枯木未逢春。怕聽鶯語人驚醒。

《踏莎行》

梁穎茵 香港中文大學

折柳辭亭。離鄉別井。長河隔燕羈樓靜。天涯夢斷恨悠悠。飄零自是衣襟冷。笛韻琴聲。萍蹤雁影。江南父老鄉情永。暮雲春樹意綿綿。船歸細認家山景。

《踏莎行》

陳恭喜 香港樹仁學院

斜日沉光。流雲亂絮。金波一片連秋樹。輕帆遠影到天涯。江山無限騷人駐。好夢空尋。愁懷又誤。誰能免卻相思苦。欲將紅葉寄西風。茫茫滄海迷歸路。

《踏莎行·看戲有感》

歐陽慧 香港中文大學

妙韻繁樑。柔風盈袖。悠然偶爾輕回首。彩冠裙帶舞人前。遊心獨繫青衣秀。好夢難圓。佳期靜守。紅顏別了春依舊。夜涼誰與解閑愁。清樽素影清歌奏。

《踏莎行》

蔡俊威 香港理工大學

細雨臨窗。芳園泣露。春風又綠長亭路。閒雲倦起抹斜陽。堤楊卻喚行人住。孤驛思歸。雙魚欲渡。蒲裙夢斷無尋處。多情算只有黃昏。暗隨絮落東流去。